

摛藻堂四庫全書薈要

史部

欽定四庫全書叢要

史部

硃批諭旨卷一百二十二至二十三

詳校官編修臣繆晉

欽定四庫全書會要卷八千十八

史部

硃批諭旨卷一百二十

硃批袁繼蔭奏摺

加總兵官銜駐防哈密陝西洮岷副將臣袁繼蔭

謹

奏為恭謝

天恩事竊臣准署甘州提臣田畯咨蒙兵部劄開奉
旨現在駐防哈密陝西洮岷副將袁繼蔭著加總兵銜

一應事務會同員外郎盛柱辦理具奏欽此咨行到

臣臣隨恭設香案望

闕叩頭謝

恩訖伏思臣邊未武夫至愚極陋蒙

皇上隆恩由遊擊超擢漢中副將調任洮岷今復蒙
皇上加臣總兵職銜臣聞

命自天感激無地惟有竭盡駕馳悉心料理以期仰答
高厚於萬一耳為此繕摺叩謝

天恩謹

奏

知道了爾將來大有成就之人勉之

陝西涼州總兵官臣袁繼蔭謹

奏為微臣戀

主情切懇請

陞見仰觀

天顏跪聆

聖訓事竊臣荷蒙

恩綸以副將加總兵職銜未及數月又蒙

皇恩陞授涼州總兵

高厚之恩實難圖報但臣自受

命以來夙夜兢惕思欲得覲

天顏跪聆

聖訓因駐防哈密未敢瀆

奏今臣已抵涼州任所犬馬戀

主之心甚殷仰懇

恩准

陞見臣得以趨赴

闕廷跪聆

聖訓則臣有所遵循而巖疆亦有攸賴矣為此繕摺請

旨謹

奏

爾自塞外甫經回任從容休息數月於明歲來京陞見

可也

陝西涼州總兵官臣袁繼善謹

奏為懇乞

聖恩俯准隨師以效愚誠事竊臣蒙

皇上天恩拔擢總兵雖夙夜鼴勉毫無報稱近承准督
臣岳鍾琪照會密令臣在標屬挑選兵馬聽候調
遣至領兵之員宜靜聽奉派但臣受

恩深重報效無地今際用武之時披堅執銳實所甘心

是以感激思奮不能自己謹繕摺

奏請伏乞

皇上天恩准臣隨師行走則臣圖報下悃得以少效於
將來矣為此謹

奏

朕已有旨命爾署理安西鎮印務矣安西乃新設要鎮
大兵前進正賴接濟策應諸凡事務竭力勉為之

署理陝西安西總兵官印務臣袁繼蔭謹

奏為恭懇

聖恩憫念窮兵准開官當以濟緩急事竊臣見安西新設巖疆土無出產百物價值數倍內地兵丁衣食較為艱苦其日用緩急不無藉於典質但口外並無富商大賈納稅開當之家不過闔閭小民押物求息每兩一月之息竟至三錢以致窮兵日用愈為困告臣查安西前蒙

皇上發有庫貯通融銀共六萬兩內四萬兩必奏

聞始敢動用至二萬兩為平時通融之用奉

旨不必具奏而此二萬兩內除哈密存貯二千兩臣庫

現貯一萬八千兩臣請於此內動支三千兩開設

官當照內地當鋪例每兩每月三分起息其每月

所有利息謹仰體

皇上憫念在京八旗兵丁之

恩旨亦將此項利銀存貯公所安西兵丁之家遇有吉

凶事故呈明借領其本利出入細冊每歲經臣查

核再行報部存案至前後接任之時造入交代冊
內查核庶極邊汎地緩急常通無重利之苦有周
濟之益而

皇上愛養兵丁之盛心無遠不周矣是否允協伏乞
睿鑒施行謹

奏

此奏甚屬合宜咨明該督提照所請辦理聞汝嗜酒悞
事當深戒之若不能遵朕訓諭仍復沈湎豈止自暴自

棄負朕深恩莫汝為甚矣

署理陝西安西總兵官印務臣袁繼蔭謹

奏為遵

旨議奏事竊臣准甘肅提臣宋可進咨雍正七年十二

月十九日准署川陝督臣查郎阿咨雍正七年十

二月初四日准戶部咨內開和碩怡親王等奏稱
派撥官兵事宜十二條開單恭呈

御覽伏候

皇上聖訓等因請

旨雍正七年十一月初四日奉

旨依議欽此欽遵內閣衣孫察漢齊老圖地方關係緊要隘口與安西相近應令安西鎮酌量派兵防守等因移落到臣臣隨酌量於臣標派撥將弁並馬步兵丁共五百一十員名預備馬匹甲械鍋帳鎗礮弓箭口糧等項候安臺弁兵起程之日即令前往防守伏查沙州至衣孫察漢齊老圖共八百九

十六里其間惟阿魯巴兒固水草最廣堪以屯兵
且南北西三面俱通要路臣酌量於此處安遊擊
一員千總一員外委二名帶兵三百名防守倉都
幹地方有草而水泉細微形勢窄狹此處安守備
一員把總一員外委二名帶兵一百名防守自此
至衣孫察漢齊老圖隘口三百一十四里間水草
微細難以屯兵應於倉都幹駐劄兵內每十日派
官一員帶兵三十名至衣孫察漢齊老圖哨探一

次其呵呵賽地方亦屬緊要但水草無多今酌安
把總一員外委一名帶兵一百名防守呵呵賽在
阿魯巴兒固之東北相距一百四十八里倉都幹
在阿魯巴兒固之西相距一百二十五里此三處
互相犄角勢同指臂駐劄之地似無踰此事關軍
機要務臣敬據愚見酌量辦理所有派撥官兵數
目駐防地方情形事宜理合繕摺先為具

奏伏乞

皇上睿鑒施行謹

奏

覽奏已悉舉凡派遣官兵一切事宜槩行呈詳督提二
臣畫一辦理即一面奏聞毋因係已密奏竟不請示於
督提而行將所奉朕之批諭亦令張善備悉知之

署理陝西安西總兵官印務臣袁繼蔭謹

奏為恭繳

硃批諭旨叩謝

天恩事竊臣前奏請開官當以濟緩急一摺奉到
硃批臣跪讀之下惶悚無地感激涕零伏念臣一介武

夫由遊擊蒙

皇上隆恩特擢副將旋授今職雖粉骨碎身亦不能仰
答

高厚於萬一況臣鎮守巖疆責任重大又值軍興之際
即晝夜儆惕猶恐貽悞倘臣所行之事幾微辜負

皇恩不但難逃

聖主洞察即

凡事惟當反身內省據云不能取容於人須知在己必

天亦必不容第臣賦性愚拙不能取容於人今蒙

皇

有令人不客之咎所以聖人言不怨

上格外宏仁不即加以嚴譴

聖

不尤人正為此也為他人所不容猶可若為朕所不容

慈深厚則恐汝承當不起汝受朕格外洪恩亟宜竭力報效

訓諭

詳臣雖至愚敢不痛自勉勵從此永戒杯闌盡

汝嗜酒誤事甚屬不可向後若不能痛改永戒斯乃負

心職

仰報

朕之第一事也勉之戒之

聖主保全

朕之第一事也勉之戒之

超拔之深恩

訓誠諄切之至意所有微臣感激下悃理合繕摺恭

謝謹

奏

覽

硃批諭旨卷一百二十

欽定四庫全書叢要卷八千十九

史部

硃批諭旨卷一百二十一

硃批趙坤奏摺

雍正元年五月二十一日貴州提督

臣趙坤謹

奏爲保奏人員以資臂指事竊查

臣標前營以及畢

赤營平越營安南營四遊擊現在缺員例應聽候

部推但

臣標前營及平越營地當孔道汎防廣濶

畢赤安南兩處又界連川粵逼近苗獮非熟諳情

形人地相宜之員莫克勝任臣看得平遠協右營
守備卜萬年臣標左營守備田玉大定鎮標中營
守備吳朝應安南營中軍守備許緯藩皆弓馬優
嫻歷練營務請以卜萬年拔補臣標前營遊擊以
田玉拔補平越營遊擊以吳朝應拔補畢赤營遊
擊以許緯藩拔補安南營遊擊則駕輕就熟實爲
人地相宜緣係非保題之省分臣與督臣咨商未
敢會疏具

題謹繕摺保

奏倘蒙

皇上恩允則臣得收臂指之效於地方實有裨益矣爲此謹

奏

照依趙坤所請補授免其引見該部知道

同日又

奏爲奏明事竊查貴州各營路有臣衙門節禮字識

養廉暨各營修理旗幟整補帳房等費之空糧除
自鎮遠府起至臣駐劄安順府大路一帶經臣親
行簡閱按冊挑補外其僻遠處所嚴檄營路各官
速行招募取具不許仍存空糧遵依冊結臣復差
員查驗共計招補過壯丁五百名臣恐邊徼兵制

上厓

聖懷所有募補空糧實額克伍緣由理合繕摺奏

聞謹

奏

爾爲朕所信任之人其恤兵清餉竭力整理處朕除嘉
獎之外無可多諭勉之爾保題遊擊四員皆照依所請
允行已降旨該部矣

雍正二年八月二十六日貴州提督臣趙坤謹

奏爲回奏事雍正二年八月初九日准撫臣毛文銓

密信內閣欽奉

密旨可將此諭亦密通知趙坤或將伊調到省城傳旨

等因臣隨星馳赴省跪聆

聖旨訖又賁東道臣李日更抵任亦傳

皇上諭旨臣俱一一欽承跪聆之餘不勝感激愧懼無
地伏思黔之紳家苗性既愚頑習非良善漢姦貪
利或潛入唆挑則報復爲非紳苗之情形實難逃
聖主之洞鑒臣抵任年餘未能將苗民刁頑之俗與督
撫臣熟思審處驅除務盡奉職無狀罪實難逭乃

蒙

聖恩不加譴責著與撫臣毛文銓密商萬全而為之臣雖至愚亦稍知策勵從此仰體

天心矢勤矢慎於邊徼要地務滌除習弊勿姑息長惡倘有多事苗目教之不改即相度機宜宣示威武懲一以警百或臣有識見不到之處必與撫臣咨謀商酌務期悉心籌畫以稍盡職守於萬一耳至於定番一帶山深箐密定廣協營額兵實屬不足

分布今奉

諭旨應添兵與否容臣與新撫臣會商妥確再行具

奏所有臣欽奉

諭旨緣由理合繕摺謹

奏

覽奏已悉勉爲之安靜近於因循振作近於多事迹雖相類而其實不同無事時振作不得有事時安靜不得要在審觀時勢相度機宜而爲之方能中其肯綮也若一味苟且彌縫置庶務廢弛而不問則爾等職任封疆

之謂何然不熟思審處謀及始終而孟浪從事脫至有
損國威則尤其不可者也全在爾等文武大員正已率
屬勤慎自勵誠以馭下公以考績營伍既皆整飭有司
又復廉明則兵民和輯根本固矣果能若此此等愚頑
苗穢或以德化或以威服胡令不行曷禁不止耶可與
撫臣同心協力治理地方務宜夙夜敬謹精勤勿懈以
革除習弊置黔民於衽席之安方不負朕諄諄告誡企
望之殷也勉之

雍正二年十二月十九日貴州提督臣趙坤謹

奏爲恭謝

天恩事竊臣齎摺家人捧回

硃批奏摺并

欽賜法瑯翎管孔雀翎全副到臣即恭設香案望

闕叩謝

天恩跪讀

硃批欽遵祇領訖又新任大定鎮臣丁士傑抵黔臣出

郊跪請

聖安鎮臣即口傳

諭旨臣伏聆

天語感懼無地茲於十二月十六日爲平靜惡苗事件

奉

硃批到臣等臣與督臣高其倬撫臣毛文銓公同欽領

寵錫叩頭謝

恩訖伏思紳苗兇惡蒙我

皇上明燭萬里慮出幾先預為

指授方畧是以惡苗阿近阿卧等就縛搥其巢穴擒其妻孥其餘黨衆革面向化又督撫臣仰體

天心宣示

威德是以各官兵感

恩思奮臨事爭先至於臣毫無報效之處濫膺逾分之

榮是

皇上之恩施愈厚臣之圖報愈難惟有更加勉勵將

邊境應辦事宜與督撫臣同心計議協力奉行務

期殫竭犬馬愚忱以仰副

皇上諄諄告誠之至意爲此恭謝

天恩謹

奏

知道了但去歲四月八月兩次官兵不戢激變熟苗竟
隱蔽不奏朕甚爲寒心

雍正三年二月二十三日貴州提督臣趙坤謹

奏恭請

皇上聖安

朕安爾過於慎重似近柔懦不宜貴州之任調爾進京
另有用處

同日又

奏爲欽奉

上諭事雍正三年二月初十日准雲貴督臣高其倬轉

傳

上諭到臣臣查黔省山高土瘠苗多民少地之所出不敷所需凡官吏之俸工兵馬之餉乾皆仰給於他省之協濟賦稅有限耗羨無幾員缺不一養廉未均是誠不可不有以調劑之也我

皇上明無不照恩無不施

諭令以通省清查之項爲本省之公用此官民兩利可以長久行之而無弊者也其文員官莊耗羨應聽督撫臣清查武職官莊臣現在嚴查不容隱占黔

之諸苗惟狹苗最為不法而紅苗黑苗之強悍又
不亞於狹苗倚恃山箐出沒無常搶奪報復習俗
使然與其有事而勦撫孰若未事而籌畫

神謨廣運洞悉情形臣荷蒙

聖恩職在統率敢不恪恭遵奉嚴飭操練振勵委靡與
督撫臣籌畫萬全相機圖謀以仰副

天心惟是定廣之兇苗阿近等恣肆搶奪協將陳元勲
於雍正二年春間差委把總周正帶兵擒捕雖拏

獲賊弟阿鈕阿由二人而首賊遁颺傷死兵丁三
名八月內協將陳元勲又不預先請示自帶兵三
百名假以遊巡爲詞潛至西孟意欲暗擒阿近被
阿近等知覺放弩拒敵傷死兵丁一十二名捉去
一名旋亦放出把總周正副將陳元勲雖經咨叅
革職而兩次傷兵未曾具奏是臣之罪至臣等會
同三路發兵中路遊擊郭世發楊振夜駐谷藺鉗
束不嚴以致兵丁失火延燒草房苗民驚疑上山

放弩箭傷兵丁二名實未身死於拏獲兇苗阿近
時又未將此事逐細明白具奏是臣之罪恭讀

諭旨愧懼無地伏念臣愚昧無知罪戾深積我

皇上特頒

聖諭誠飭教導

高厚之恩臣即捐糜頂踵亦何能仰報萬一所有欽奉
上諭緣由理合繕摺奏

聞伏乞

皇上敕部議處施行謹

奏

今到川省若仍似此優柔徇隱恐爾顏面難以保全也
但亦不可生事貪功番夷情形岳鍾琪最所深悉諸凡
詢伊照伊指示而行毋得舛悞

同日又

奏爲奏

聞事雍正二年十二月二十一日據臣標中軍叅將呈

報據山京汎防把總報稱安順府屬唐三寨民劉忠魁夷民季蜡到汎口稱於十二月十二日三更時分被賊燒燬房屋趕去牛隻燒死男女四命受傷三名卑弁隨即跟蹤追至廣順州屬宗角龍井寨地方等情前來臣查宗角龍井一帶山深箐密易於藏姦隨經咨移督撫臣會飭拏究去後旋經撫臣差委安順府知府何經文前往查拏臣以知府衙役無幾難以拏獲隨委臣標守備鄖元度帶

弁兵二百四十員名協同前去跟緝兇犯茲於雍
正三年正月二十二三四七九等日拏獲賊犯季
麻阿棍阿賣阿任二月初八日追獲贓牛一隻等
情具報前來尚有未獲逆賊現在緝拏俟獲日聽
候撫臣審題外所有微臣遣發官兵協同拏賊情
由理合奏

聞謹

奏

凡事悉如此據實直陳方是若互相欺隱指黑爲白是非莫辨成何局面耶

雍正三年十月初七日署理四川提督印務湖廣
提督臣趙坤謹

奏爲奏明事竊臣奉

旨署理四川提督印務抵任之始據署理提標中軍叅
將楊玉先呈開卷查前任中軍叅將阮揚環欠造
各項軍裝借墊銀并解送西南兩路軍裝餉銀雇

驃腳價盤費等項銀共九千三百五十四兩零本
年六月內前任叅將阮揚環備叙通詳請示經督
臣岳鍾琪批令在於各標各鎮協營公費糧內認
還自本年冬季起至明年夏季止作三季於公費
糧內分攤清楚等情查此公費糧自提標以及各
鎮協營共計一千一十分原爲各鎮協營一切公
用之費自軍興以來凡軍務公用亦皆以此資貼
但臣思川省制兵三萬六百二十名內除打箭爐

口外裏塘巴塘等處駐兵三千一百六十餘名留駐西寧兵三百俱尚未撤歸現在革達地方又需兵一千五百名輪流駐防再有各員弁所食親丁之糧營汎未免單薄若將此一千一十分概行招補則經督臣批示原係因公使用恐欠項無著若不招補則營汎防守事屬緊要臣再四思維請將此所存公費糧各招補一半以供差操仍留一半俾各標鎮協營漸次完欠亦可漸次添補軍裝似

於營伍公務兩有所益矣伏乞

聖恩教導批示遵行謹

奏

前事經岳鍾琪面奏朕已洞悉况周瑛旋任在即爾暫時署理可以不必料理此事俟其復任後將所奏知會於伊可也

同日又

奏爲奏

聞事竊臣接印視事卷查建昌鎮屬之冕山營賊夷刦殺一案經督撫臣將遊擊蘇凱以擅起夷釁致滋擾害

題參後將該遊擊調赴成都該遊擊在寓所自刎身死亦經督撫臣會

題其夷蠻阿租等挾讐科衆肆行刦殺前署提督印務撫臣王景灝專委會鹽營守備汪雲龍前往宣

布

恩威嚴加化誨併勒獻兇首追還人口各緣由在案臣

隨星差前往催查茲於十月初四日據署冕山營

遊擊沈國卿會鹽營守備汪雲龍各報稱職等委

建昌河東宣慰司瞿氏越雋土司嶺安盤前往夷

穴持示化誨追還男婦三十八名口尚有男婦十

名口並牛馬財物未經送還兇首亦未獻出等情

到臣復飛咨建昌鎮臣就近會同地方文員宣

布

皇上威德俾凜遵

王化各安住牧務將人口盡行追還免犯亦勿得輕縱
去訖所有前後情節理合奏

聞謹

奏

此事岳鍾琪已經備細奏聞伊自有區處料理之策爾
尚未熟諳番情且勿輕舉諸凡悉聽岳鍾琪主見而行
可也

雍正四年正月二十二日湖廣提督臣趙坤謹

奏爲恭謝

天恩敬繳

硃批事竊臣前奉

旨署理四川提督印務欲將川省公糧一千一十分招
一半以實營伍留一半以完欠項具摺請

訓於雍正三年十二月初一日臣差自京到川臣已來

楚二十五日抵臣常德府新任蒙

此舉雖屬得理然提督職任究以整理營伍訓練士卒鼓舞偏裨緝盜安良爲要務若不能策勵屬員緝捕盜賊甚至營伍廢弛士卒驕惰雖一塵不染亦不過潔其皇上格外洪恩賞給驛馬臣揣分難安感激無地謹繕一身而已於朝廷何益之有況未能至一塵不染者耶摺奏所以違道干譽邀買兵心而不殫心効力之人其爲害謝所有奉到於國家更甚朕意如此要當知之硃批理合恭繳謹

奏

爾前任黔省之行爲朕甚不取今若仍然以因循爲安
靜憚弛爲和平柔善以取悅兵丁姑息以要結屬員而
令其頌己寬厚之德此等巧術朕深惡之幸汝操守可
取朕因念

聖祖所用數十年舊臣所以取汝所長而畧汝所短慎莫
蹈襲故智以爲得計須痛自悛改加意整飭否則恐傷
及汝之顏面可惜一生功名付之流水則噬臍無及矣
亟當勉進於是而革除其非庶不負朕始終成全者舊

之恩誼也毋疑毋執

雍正四年二月初一日湖廣提督臣趙坤謹

奏爲奏明事竊查楚省營伍前提臣魏經國料理固

屬整飭錢糧亦甚清楚惟是提標五營之旗幟緣

楚地蒸濕起黴覺已舊損又五營鎗鎗手所使之

鎗類於線鎗祇可裝砂子爲打牲之具非摧鋒陷

敵之利器也臣標爲全省表率專司援勦臣荷蒙

皇上殊恩毫無報效願捐俸銀製造五營鎗鎗五百六

十桿大小旗幟三百七十面俾軍容整肅以壯觀瞻緣係製造軍器事理理合

奏明伏乞

皇上睿鑒謹

奏

爾前任貴州時亦有此一奏除此則實心効力言行相符之處未之見也提督閩省戎政在務大體爲要不以靖盜安良甄別賢否賞功懲罪爲已職分之所當爲而

乃於此瑣屑處孜孜求見賞於朕朕甚不取勉爲之

同日又

奏爲陳情懇

恩事竊惟雍正元年正月內臣入觀

天顏仰荷

隆恩授臣貴州提督又蒙

洪慈將臣子趙秉鐸由廕監生擢補貴州提標中軍參

將臣父子受

恩顯榮逾分乃任黔三年毫無報稱復疊荷

寵眷授臣今職

皇上之恩天高地厚臣即捐糜頂踵亦何能仰答萬一

竊念楚疆勢分兩湖界連八省凡一應兵馬錢糧

營汎盜案事件繁多皆須細心料理方無貽悞臣

本武人年又六十有七矢報之私雖篤而精神氣

血漸不如前倘於事件稍有貽誤則臣罪難逭是

以冒昧陳情懇將臣子趙秉鐸

賞令解任來楚幫臣辦理一應案件並代臣書寫摺奏

則臣得臂指之資皆

聖主格外之賜也爲此繕摺

奏懇伏乞

皇上睿鑒施行謹

奏

據爾奏請已有旨矣但朕施恩不心無望報之心受朕
寵榮當思所以報之之道也其勉爲之慎爲之

雍正四年四月十七日湖廣提督臣趙坤謹

奏爲恭謝

天恩併繳

硃批事竊臣前奏懇將臣子解任來楚幫臣辦事一摺

奉到

硃批臣伏讀

天語不勝感激涕零至臣前任貴州奉職無狀復蒙我
皇上諄切教導再三提撕臣惟有痛改前非勉其不及

於整飭營伍訓練兵丁鼓舞員弁緝盜安民勸善懲惡大體大要處極力遵奉以贖前愆以圖仰報殊恩於萬一也爲此繕摺奏

謝併繳

硃批伏乞

睿鑒謹

奏

年紀漸老改過尤爲難事於此須要見透方能遵朕訓

誨而行莫看作容易徒務口舌虛文究於實際無益也

同日又

奏爲奏明事竊臣訪得長沙協副將李登雲聲名不好藉藉人口昔任岳州叅將時曾被守備謝尚遵報告近任長沙協又被前任都司韓公遠報告又且指稱部費勒索銀兩徇庇弁員一味存私臣因事屬已往故未糾叅然而聲名既已有玷且又塘汎廢弛並不留心經理臣抵任以來見楚省盜竊

繁多屢飭嚴謹塘汎差員分查今據差員稟稱長
沙協塘汎俱草率完事全不整齊且數塘缺少兵
丁又稱永州鎮左營遊擊郝賢蔭所屬塘汎煙墩
瞭樓塘房久經廢壞並未修整該將甚屬溺職永
州鎮臣陳尚武相去咫尺並不覺察亦有玷統轄
之職除將副將李登雲遊擊郝賢蔭廢弛塘汎並
永州鎮臣失於覺察緣由移咨督臣會疏

題參外理合具摺

奏明伏乞

皇上睿鑒謹

奏

叅奏甚當但朕知李登雲人頗敏練明白何乃如此作
爲陳尚武原屬平常年已老矣其爲人究竟如何猶堪
總兵職任否據實更奏以聞

雍正四年六月初七日湖廣提督臣趙坤謹

奏爲恭謝

天恩敬繳

硃批事竊臣差員自京還楚蒙

賜紫金離宮蟾酥鹽水各錠一匣扇墜五十枚臣跪迎

至署恭設香案望

闕謝

恩祇領訖伏念臣受逾分之

榮毫無涓埃之報私心自問悚歎難安惟有夙夜兢兢

仰遵

聖訓整飭營伍操練兵馬振勵所屬員弁俾各盡職守
以仰答

高厚於萬一耳爲此謹摺

奏謝

天恩併繳

硃批謹

奏

覽奏謝知道了能切戒因循罷軟之病凡事據實直奏

無隱秉公力行圖取後福可也勉之勉之若於此少信不及朕一番保全之恩殊爲可惜耳

雍正四年七月初一日湖廣提督臣趙坤謹

奏爲欽奉

上諭事雍正四年六月二十九日蒙兵部劄開奉

上諭聞得湖南沅州有姦民余景福辰谿縣有姦民謝
錄正沅陵縣有姦民顏正等肆行不法爾等即行文
與總督李成龍提督趙坤令其會同商酌務必擒獲

不得漏縱姦惡亦不得牽累無辜欽此轉行到臣
於本年三月內准湖南撫臣布蘭泰移咨緝拏前
來臣當即密行辰沅二協選撥能幹弁兵前往擒
拏去後今於四月二十九日據辰州協副將魯璵
呈報要犯顏正已經差員拏獲押赴湖南撫臣衙
門審究又於六月二十日據護鎮草鎮印務副將
魯璵呈報姦民余景福畏懼自首赴鎮草衙門投
到亦解到湖南撫臣衙門聽其審究惟謝錄正一

犯尚逃匿不出臣現在嚴飭辰州協遣撥官兵探其藏匿何所設法擒拏不得驚擾良善波及無辜去後又謹遵

諭旨會同督臣李成龍設法緝拏不敢牽累無辜俟獲日另摺

奏報外合將已獲姦民余景福顏正緣由繕摺奏聞謹

奏

此等事必待朕諭而後設法飭緝可謂稱職之封疆大臣耶要犯謝錄正若不能擒獲或被假冒頂替恐爾領罪不起也

雍正四年九月十一日湖廣提督臣趙坤謹

奏爲奏

聞拏獲姦民事雍正四年九月十一日據辰州協副將魯興稟稱本月初八日亥時據差緝兵丁王之德王如佑稟稱小的等奉差查拏謝錄正今有辰沅

靖道差役二十餘人於九月初八日卯時在漱浦
縣魚洞芭山亂巖岡將謝錄正一家大小男婦一
十二名口鳥鎗四桿手鎗一桿火藥一桶鐵丸子
一包一併拏獲解赴辰沅靖道衙門特來稟明等
情到職所有拏獲謝錄正緣由合先稟明等因前
來臣查謝錄正係奉

旨緝拏要犯今已拏獲理合奏

聞謹

奏

此犯不獲如何其可但爾前奉朕諄諄飭諭今賊犯仍就擒於有司差役之手尚何顧具奏耶朕實代爾愧之

硃批諭旨卷一百二十一

欽定四庫全書

史部

欽定四庫全書

史部

硃批諭旨卷一百二十二

硃批藍廷珍奏摺

雍正元年八月二十二日福建臺灣總兵官臣藍

廷珍謹

奏爲懇

恩改名事竊照禮諱嫌名分宜引避臣本名廷珍伏查

珍字與

御名第二字音聲無異似於尊敬之義未協擬將臣名

廷珍改爲廷瑛仰祈

敕部行知庶臣心得以稍安伏乞

皇上睿鑒施行謹

奏

不心更改向來止避上一字近議下一字並避朕名之下一字同音者頗多若盡改似覺太煩况珍字與朕名迥不相同惟滿字無二音故伊等改書徵字以別其音

聲至若漢字音義判然何必更改且爾之名甚爲朕所喜仍書原字可也

雍正元年十月二十九日福建臺灣總兵官臣藍

廷珍謹

奏爲恭謝

天恩事本年十月二十八日臺灣協標中營遊擊蔡徵
溫到臺口傳

皇上溫諭並恭捧

御賜花翎緯帽到臣恭設香案望

闕叩頭謝

恩訖伏念臣一介武夫至微至賤叩沐

聖恩高厚非常

眷遇祇受難安惟有矢竭涓埃勤慎自勵以圖仰報

高深於萬一耳爲此繕摺恭謝

天恩謹

奏

覽爾奏謝知道了勉力做好官莫移初志姚堂居官不爲上等其所施設未必盡善一切營務應更易振作者不可苟且因循必用心整理一番始不負朕任用之恩也

雍正二年四月二十日福建水師提督臣藍廷珍謹

奏爲恭繳

硃批事竊臣齋摺家人捧到臣前奏臺灣總兵任內恭

謝

御賜翎帽一摺奉有

皇上硃批臣叩頭謝

恩并傳示將備一體凜遵著實振作整理外伏念臣一

介愚魯遭逢

聖世蒙

皇上逾格拔擢又欽承

硃諭告誠勸勉懇切周詳自問無可報稱惟有潔已奉

公和輯文武整頓舟械簡練卒伍清理兵餉保固
疆圉以仰答

知遇於萬一耳所有奉到

硃諭理合恭繳謹

奏

知道了爾居心忠赤及人材膽量俱無可議論若能勉
勵操守如吳陞一般可成千古人物即不能似彼一塵
不染畧相彷彿亦好不然同在一省相形之下殊不雅

觀當竭力勉之

雍正二年五月十二日福建水師提督臣藍廷珍

謹

奏爲恭謝

天恩事雍正二年五月初十日接督臣滿保手書內另

單一紙鈔錄

御批聞藍廷珍之操守甚爲不足爾善爲勸誡將朕恩
可惜之處告之欽此

天顏咫尺臣跪讀之下汗流浹踵望

闕叩頭謝

恩伏念臣一介武夫至愚極陋荷蒙

聖主異數隆恩曠古所無即木石亦應感動非但碎骨

粉身不足爲報即子子孫孫亦不能報稱萬一況

潔已奉公係臣分內之事乃奉職無狀致屢

寢衷理應即予罷斥乃猶

寬臣蠢愚冀臣悔改

命督臣移書開導臣蒙

擢用榮遇於前又受

保全厚恩於後臣惟有痛洗肺腑勉勵清操正已率屬
圖蓋前愆庶幾補過於將來或可贖罪於晚節臣
不勝感激悚惶謹繕摺奏

謝以

聞謹

奏

爾等大臣既蒙主知受封疆之寄當以千古名節為重
若以目前小利自壞聲價無乃愚甚縱不能效法古之
名臣即如吳陞魏經國韓良輔清廉之譽爾豈不聞乎
今之輿論即千秋史冊之憑據但實乃名之本名乃實
之華必躬行實踐方為名實相副非可矯情虛詐而能
者設以矯誣博一時虛名事久論定終必敗露爾果能
實行朕自有鑒照不在此一奏也爾等有功於國之人
若肯自愛非但成全自己乃成全朕待功臣之有始終

也否則朕豈可因爾等一時之功而隳朝廷萬載之法
紀以姑容之耶向後當勉之又勉

雍正二年九月初三日福建水師提督臣藍廷珍

謹

奏爲謹陳臺灣善後事宜仰祈

睿鑒事竊臣自出兵至臺灣與賊對壘凡臣身所經歷

及考之圖籍得諸訪聞於臺灣形勢之險易事權
之輕重雖不能盡悉要領而亦畧得大槩所有善

後三欵敬爲我

皇上陳之一臺灣三營及北路之彰化縣與南路營之此款增兵之處似可不必朕非愛惜錢糧也
鳳彈汎埠頭皆宜增兵并移備并駐劄以資防禦此條與該督酌議具奏

笨港宜移大員帶重兵常川扼守而鹿仔港亦

宜專員汎防以保固臺灣一臺鎮三營及南北二臺養馬水土不宜亦可不必

路宜增設馬匹照內地沿海營汎馬一步九之制

減半給以馬匹以便偵探追逐以上三欵臣因身

在臺灣四載目之所及心之所思已非一日故敢

冒昧瀆陳是否有當仰祈

皇上睿鑒施行謹

奏

覽

同日又

奏爲奏繳

硃批事竊臣前奏恭繳臺灣總兵任內所奉

硃批一摺奉有

御批臣恭設香案望

闕叩頭謝

恩訖伏念臣一介微賤蒙

聖朝殊遇由千把歷陞提督受

恩如此敢不赤心抒忠以圖報

國至擒賊殺敵係臣武人分內之事有何膽量乃蒙

皇上褒嘉感激之餘愧赧無地至臣不學無術義利不

明以致操守不能堅固

皇上既有見聞不立

賜罷斥而猶

溫旨訓誨臣敢不痛自改悔潔已奉公事事效法吳陞

務使暮夜絕苞苴之迹暗室無衾影之慚庶可以

仰副

訓旨下盡職守爲此恭謝

天恩并繳所奉

硃批謹

奏

全視爾操守若何捫心自安即可以對朕無慚也

雍正二年九月二十日福建水師提督臣藍廷珍

謹

奏爲恭繳

硃批并報奉到

聖諭日期事雍正二年八月二十六日臣標把總齋到

臣 恭謝

天恩奏摺奉有

硃批臣跪讀再三感激流涕以臣愚昧猶蒙

聖主洪慈開導策勉敢不欽遵

訓旨實踐躬行以圖少報

主恩於萬一又於九月十九日准福寧鎮臣顏光旣咨

轉傳

諭旨藍廷珍在臺灣出兵打仗拏賊之處俱無可議論
但操守平常當學魏經國吳陞纔是欽此伏念臣沐

聖朝殊恩由微弁歷陞鎮提俱奉

特旨陞授乃以未能砥礪清操仰副

皇上期望以立千古聲名又蒙

聖恩浩蕩不即罷斥

訓誨疊頒

恩同天地臣惟有見賢思齊時加刻責實在潔已率屬

不敢假務虛名以辜我

皇上寬容大德伏乞

聖主俯鑒愚衷則臣永矢犬馬圖報於生生世世矣爲

此繕摺謹

奏

知道了過而能改則無過矣時刻反身自省何善不能遷耶勉之

雍正三年五月十三日福建水師提督臣藍廷珍

謹

奏爲遵

旨咨商回奏事竊臣前奏原任廣東提臣許正功姪許

良彬現係捐授即用知州該員生長閩省人材壯

姚堂亦係才可用操守平常朕召伊來京陞見曾再三

健熟識島澳嶼線諳曉船務水性前提臣姚堂在

當面教導後不知其能改與否遂爾下世矣

廣東任內委用有年因堪任使奉調閩省又復題

帶至廈臣抵任後確查該員歷年帶領兵船出洋

實力哨捕臣因閩海水師人材難得爰敢奏請

聖明因才器使照蔡文以即用知州改授武職之例遇

閩省水師相當缺出

題請補授奉到

皇上硃諭令與督臣商酌欽此欽遵臣即備文咨商督

臣滿保去後茲准咨覆內開查甄拔能員因才器

使誠獎勵人才之意惟是文武分途

國家定例凡有改授資格皆奉

特旨殊恩今該員許良彬請改武職自應統聽覆

奏恭候

聖主睿裁等因到臣緣奉

旨與督臣商酌事理臣謹繕摺恭請

聖主批示遵行謹

奏

滿保當與爾同具摺奏方是許良彬著來京引見候朕
酌定

同日又

奏爲恭繳

硃批事竊臣前奏恭陳臺灣事宜一摺并奏繳

硃批二摺俱奉有

皇上硃諭除恭陳臺灣地方事宜遵

旨與督臣滿保會商具

奏外伏念臣資質凡陋過受

寵榮朝夕矢志效忠冀竭駕馳之力祇以未能勉勵操
守致屢

聖懷臣萬死不足贖責乃我

皇上猶逾格保全

訓勉無已臣雖木石豚魚亦知感激敢不益加兢惕凜

遵

訓旨細細體認刻刻操存改悔猛省務使志慮精純下

全臣節上報

主恩臣不勝感激涕零謹繕摺奏

謝所有原奉

硃批理合恭繳謹

奏

要實力奮勉自新不在數行奏詞也朕目前批朱文摺子之諭旨爾當鈔錄一看

雍正四年八月十五日福建水師提督臣藍廷珍

謹

奏爲徵臣恭奉

諭旨欽遵勉勵仰祈

聖主垂察事竊臣接海壇鎮臣朱文宣示

諭旨爾到廈門親向提督藍廷珍說伊若操守好便是

好官務須著實勉勵欽此

臣隨望

閼叩頭謝

恩訖伏念

臣仰沐

聖祖仁皇帝生成大德復蒙我

皇上培植深仁洵亘古非常之

殊遇臣感激

恩深惟有矢志潔清正已率屬綏靖地方冀盡職守是

以去冬

陞見時業經將下情披瀝陳

奏幸邀

聖明洞燭矣茲重蒙

皇上諄諄示訓臣惟益勵冰蘖以期俯仰無慚庶可仰

副

聖天子期望於萬一耳臣謹繕摺專差臣標右營千總

戴進齋捧奏謝

天恩再照該弁生長海濱經康熙六十年征臺用命年

力壯健熟練營伍臣現在遵

引見時看

旨保送給文赴部引

見合併聲明謹

奏

閩省向來武職大員多係本省人率皆袒護鄉黨徇
請託以故舉劾不公諸務廢弛惟爾不然一切破面整
飭朕皆知之已曾面諭爾所欠者惟砥礪清操耳近日
聞爾陞見回任實力悛改頃非前比朕甚嘉悅如此方

是勉之勉之但聞汝待屬員兵丁稍過於嚴從來統轄營伍原當以嚴為主然又必濟之以寬方為合宜若止罰而無賞則偏於苛刻殊失駕馭之道汝標下兵弁頗有怨望者第一以綏服人心爲要須先正己而後正人再加以寬嚴相濟威德並施則怨者少而感者多矣假若一味執法小人羣起必百計千方陷汝於不是而後已嗣後若能以和平待偏裨以恩惠施兵卒令皆知威可畏知德可感則汝在封疆諸臣中可謂全材矣勉之

勿急

雍正四年八月二十二日福建水師提督臣藍廷

珍謹

奏爲恭謝

天恩事竊臣接福建撫臣毛文銓咨內准吏部咨開欽奉

上諭事理等因到臣跪讀之下惶悚無地查臣前謬將高鐸保舉罪實難逭幸蒙我

皇上寬容不加譴責隨恭設香案望

闕叩頭謝

恩訖伏念臣以介胄武夫庸愚凡質仰沐

聖天子如天之仁頻施雨露曲爲培植不知臣何人斯

得邀

恩遇之隆若此惟有益加砥礪凡事敬謹以期無負職

守冀得少報

主恩於萬一耳所有微臣感激下情理合繕摺

奏謝伏乞

聖恩俯鑒謹

奏

知人則哲自古稱難然必毫無偏私於自心不愧方可告無大過若於叅劾保舉中去取不公專徇好惡乃招天譴之事慎之慎之

雍正五年正月十九日福建水師提督臣藍廷珍謹

奏爲奏

聞事竊查上年十月盡撤巡之後有粵東姦匪假扮商
艘於十二月初間飄入閩洋伺劫臣聞信即派撲
官兵前往哨捕并檄飭沿海各營舟師會擒解報
去後續據大担汎守備等解到被劫晉江縣商船
戶林進興人船并載回賊夥五名臣隨訊供錄叙
供由星移粵東督撫提鎮諸臣并照會劄行惠潮
道縣按照供出各賊姓名務獲解閩歸案審

題并差員押帶賊犯二名前往廣東惠潮二縣認緝
賊首夥黨又於十二月十五十七等日節據臣標
署中軍叅將王良駿報稱有晉江縣商船戶鄭得
勝等同安縣商船戶張盛隆等漳縣船戶陳元興
各船於十二月初九十二等日在鎮海將軍澳各
外洋被賊過船刦去衣服銀信等項仍有擄去水
手船戶共五名并押坐張盛隆商船一隻等由臣
一面嚴飭出洋舟師竭力追捕一面咨移督臣高

其倬撫臣毛文銓在案於正月初二日淮南澳鎮
臣聶國翰咨據商船戶張盛隆到汎報稱伊船遇
賊劫坐被哨船追捕發礮打死賊夥三名拚命乘
風逃走至廣東海門烏塗地方散夥將小的船隻
同被擄水手船戶俱各放回等情前來續又節准
聶國翰并廣東潮州鎮臣尚潔先後緝獲賊夥共
七名現經解到臣署四名尚留三名在彼處認緝
賊首經臣訊據獲到各賊犯咸供同夥實只四十

二人於上年十一月內從粵省飄入閩洋劫掠商
船被官兵發礮打死三人現獲一十二人其餘俱
有姓名住址鑒鑒經臣備叙供由劄行緝拏務期

淨盡俟陸續解到專差解送督臣高其倬發審會

疏

題報所有營汛疎防各員弁職名臣仍一面飭取咨

送督撫臣分案會疏叅處爲此繕摺奏

聞謹

奏

如此實心辦事方爲不負封疆重任甚屬可嘉爾之盡
心効力處朕皆知之若論吳陞之操守爾原不及今於
伊故後瑕疵畢露惟一味姑容邀譽至於營伍之廢弛
兵弁之疎懈皆置之不問所以云天下事久而自明如
爾實心爲國家効力之人雖有謗議豈能惑朕聽聞久
之水落石出美惡判然難掩更將清操二字遵朕訓誨
時刻砥礪此一節若能竭力自勉則爲全人矣勗哉毋

忽

雍正五年五月二十六日福建水師提督臣藍廷

珍謹

奏爲恭謝

天恩事竊臣齎摺人回恭捧

皇上欽賜人參貂皮并

硃批微臣奏摺到廈臣恭設香案望

閼叩頭謝

恩訖伏念臣以草野武夫叨受

聖朝厚恩歷擢邊海重任中夜思維祇以涓埃未報抱

慚衾影緣上年冬間粵匪假扮商船突入閩洋行

割臣即嚴飭捕緝業經具摺奏

聞但臣不能先事預防方且惴惴自懼乃蒙我

皇上如天大德不特曲為寬恕復叨

硃批嘉臣實心任事又

欽賜人參貂皮臣叩受跪讀之際伏思

聖主恩施不啻天高地厚臣惟有欽遵

諭旨凡事加勉更將操守二字時刻堅持以副

聖天子期望成全至意理合繕摺恭謝

天恩謹

奏

朕與諸卿當共相勉勵以仰酬

聖祖數十年教養深恩勉之勉之朕能勉與否諒難掩天

下人之耳目卿等其審觀而效法之

福建水師提督臣藍廷珍

謹

奏爲據實陳明仰祈

聖主睿鑒事竊臣接新任南澳總兵臣許良彬到廈傳

示

諭旨隨望

闕叩頭謝

恩訖伏念臣仰沐

聖朝知遇歷擢邊海重寄溯自雍正三年十月內赴京
陞見叨蒙

聖主提命周詳回任後惟有勉竭犬馬餘力凡一切海
疆機宜悉本愚衷敬謹辦理以期稍報

聖恩於萬一茲竊查臣所轄標營船隻有應行修造者
三項並小修大修船隻俱經前撫臣常賚具

題請修應於雍正六年三四等月完竣臣已屢次咨
請督撫二臣嚴檄飭催兼工趕竣而至今逾限已

久報竣者竟屬寥寥臣一面嚴檄飭取福漳臺三
廠監督武員職名開報以憑會疏究叅一面咨請
督撫臣會飭查叅惟是沿海船工最關緊要雖經
屢次咨請嚴催至今未能全竣實係微臣不力之
咎理合將遲悞船工實情自行奏請

聖主敕部嚴查議處庶承造各員咸知儆畏矣爲此謹

奏

覽奏已悉叅本到時有旨

聞初有德甚好果然否又聞陳祖訓人甚平常皆據實
密奏以聞

雍正六年九月十三日福建水師提督臣藍廷珍
謹

奏爲恭謝

天恩事竊臣齋摺人回恭捧

皇上硃批奏摺并

欽賜磁器果品藥錠到廈臣隨郊迎至署恭設香案望

閥叩頭謝

恩訖伏念臣以草野武夫竊祿三十餘載雖時切永兢
勉供職守但

聖恩高厚實難圖報況歷年以來

眷顧倍加

寵錫無已臣每中夜細思不知此身作何勉勵庶可仰

報

聖德無忝靖共惟有欽遵

聖訓凡事勉之又勉務期言行相符合以副

聖天子勉勵成全至意爲此繕摺恭謝

天恩謹

奏

能自加勉甚好尤宜勉勵操守時刻省察切毋差錯念
慮再所奏二摺留中

雍正六年十一月初十日福建水師提督臣藍廷

珍謹

奏爲遵

旨據實奏

聞事竊臣欽奉

硃批查得漳州總兵臣初有德自抵任至今兵民和輯
文武相安地方寧謐現調金門總兵臣陳祖訓向

無聲譽臣跪讀

皇上硃批聞得陳祖訓人甚平常仰見

聖明洞燭無遠弗屆該鎮臣自調任以來臣每當接見

即互相勗勵務期恪供職守以仰副

聖天子寬容委任至意臣謹據實奏

聞伏乞

睿鑒謹

奏

陳祖訓若仍依故轍因循委靡切毋容隱即據實奏聞可也

雍正七年六月十二日福建水師提督臣藍廷珍

謹

奏爲恭謝

天恩事竊臣於雍正七年二月十七日據臣齋摺標員

捧回

皇上硃批奏摺并

欽賜平安丸一色緞四疋貂皮一色哈密瓜一枚風乾

羊一隻果品一盒

御書福字全幅又於三月十八日據臣標員齋回

皇上硃批奏摺并

欽賜果品一盒風乾豬一隻到廈臣俱郊迎至署恭設

香案望

闕叩頭謝

恩訖伏念臣以草野武夫叨承

聖天子簡畀閩海鉅任時加

訓誨更且

寵錫疊施有加無已臣何人斯際此亘古難逢之

殊遇感激之深不覺零涕惟有矢竭愚誠勉盡職守以

圖報

主恩於生生世世且爲此恭謝

天恩謹

奏

覽奏謝知道了爾近日聲名較前更好但有人論爾頗存親戚爪葛之私鄉井瞻顧之念即此亦當改易凡爲人臣者惟貴秉公執正任勞任怨洗淨私腸致身報國

庶幾始終保全令名爾今年已高大試思君上之獎許
史冊之記載較之目前一二庸愚不肖親朋隣里之感
悅孰輕孰重耶凡事當務遠大始不愧身爲大臣求名
務建大名求利須謀大利遠害亦當計慮大害方是大
丈夫之胸襟局量若斤斤好行私恩小惠以自矜汲汲
只圖微名小利以自益是乃小人之情態夫豈封疆大
帥之所當為戒之勉之

雍正七年九月初三日福建水師提督臣藍廷珍

謹

奏爲奏

聞事竊臣叨

聖恩深重末由圖報惟有著實整頓營伍并嚴飭在洋
舟師相度天時竭力哨捕以仰副我

皇上慎重海疆至意節據出巡各員弁十日一報欣逢
聖主德威遠暨海宇肅清且年來收成有慶臣所轄沿
海地方以及澎臺米價平減每石大斗只在一兩

以內兵民樂業地方教寧實皆

皇恩之廣被惟於閏七月及八月內兩次接准巡臺御

史來札並澎湖臺灣副將等稟報七月二十六日

夜間大雨颶風閏七月十三日夜間大雨颶風復

作擊碎船隻漂失廠中梔木板料並吹倒官署民

房營房墩臺淹死兵丁幸各處早禾已割晚禾亦

未傷損各等由到臣即一面備咨督撫委員確

勘一面移行臺澎鎮協立將被風損壞戰船官署

營房墩臺作速修整被淹兵丁加意撫恤并飭逐
一清查實數現在情形具文彙報以便咨

題去後俟查明到日臣當即咨會督撫二臣合詞繕

疏具

題伏思臺灣海外地方每值秋潮節候颶風時有今
雖據報兩次被風猶幸早禾已登晚禾得遇時雨
大有可期且現在沿海各處米價悉平地方安堵

特恐尚殞

聖衷爲此繕摺奏

聞謹

奏

颶風爲患臺郡每不能免據該巡察御史等陸續奏到
已特命督撫臣加意撫恤矣

硃批諭旨卷一百二十二

總校官庶吉士臣侍朝

校對官編修臣馬啟泰

謄錄監生臣姜也魯

